

Adnexus decreto diei 25 ianuarii 2019, Prot. N. 29/19

**Additiones in Libris liturgicis Ritus Romani
de memoria ad libitum sancti Pauli VI, papæ**

IN CALENDARIUM ROMANUM GENERALEM

MAIUS

29 S. Pauli VI, papæ

IN MISSALE ROMANUM

Die 29 maii

S. Pauli VI, papæ

De Communi pastorum: pro papa.

COLLECTA

Deus, qui Ecclésiám tuam regéndam
beáto Paulo papæ commisísti,
strénuo Fílii tui Evangéllii apóstolo,
præsta, quæsumus, ut, ab eius institútis illumináti,
ad civílem amóris cultum in mundum dilatándum
tibi collaboráre valeámus.
Per Dóminum.

IN ORDINEM LECTIONUM MISSÆ

571a

Die 29 maii

S. Pauli VI, papæ

De Communi pastorum [pro papa].

LECTIO I **1 Cor 9**, 16-19. 22-23, n. 722, 4.

PS. RESP. **Ps 95 (96)**, 1-2a. 2b-3. 7-8a. 10, n. 721, 5.

ALLELUIA **Mc 1,17**, n. 723, 3.

EVANG. **Mt 16**, 13-19, n. 724, 2.

IN LITURGIAM HORARUM

Die 29 maii

S. PAULI VI, PAPÆ

Ioannes Baptista Montini, die 26 mensis septembris anno 1897 in vico Concesio prope Brixiam natus est. Presbyteratu auctus die 29 mensis maii anno 1920, ministerium suum Apostolicæ Sedi præstitit, donec Archiepiscopus Mediolanensis nominatus est. Ad Petri cathedram euectus, die 21 mensis iunii anno 1963, feliciter Concilium Vaticanum secundum perfecit, instaurationem vitæ ecclesialis promovit, Liturgiæ præsertim, dialogum œcumenicum et nuntium Evangelii mundo recentioris ætatis. Die 6 mensis augusti anno 1978, Deo spiritum reddidit.

De Communi pastorum: pro papa.

Ad Officium lectionis

LECTIO ALTERA

Ex Homilíis sancti Pauli Sexti, papæ

(In ultima Concilii Œcumenici Vaticani secundi publica Sessione, die 7 decembris 1965: AAS 58 [1966] 53. 55-56. 58-59)

Opus est cognoscere hominem, ut cognoscatur Deus

Ope huius Concílii, doctrína theocéntrica ac theológica, uti aiunt, de humana natúra ac de mundo ad se hóminum mentes convértit, quasi eos próvocans, qui illam a nostræ ætátis ratióne aliénam atque extráneam putent; atque tália sibi árrogat, quæ mundus primum quidem absúrda iúdicet, sed póstea, ut fore confídimus, humana, sapiéntia ac salutária ultro agnóscet: scílicet Deum esse. Utique Deus est; reáipse exsístit; vivit; persóna est; est próvidus, infiníta bonitáte præditus, et quidem bonus non solum in se, sed maximópere étiam erga nos; est noster Créator, nostra véritas, nostra felícitas; ádeo ut homo, cum mentem et cor suum in Deo defígere nítitur, contemplatióni vacándo, actum ánimi sui elíciat, qui ómnium nobilíssimus ac perfectíssimus est habéndus; actum dícimus, a quo nostris étiam tempóribus innúmeri humanæ navitátis campi suæ dignitátis gradum súmere possunt ac debent.

Verum enimvéro Ecclésia, in Concílio collécta, suam consideratiónem summópere inténdit – prætérquam in semetípsam, atque in necessitúdinem, qua cum Deo coniúngitur – in hóminem étiam, in hóminem, sícuti reáipse hoc témpore se conspiciéndum præbet: hóminem, dícimus, qui vivit; hóminem,

qui sibimetípsi uni provehendo déditus est; hóminem, qui non modo sese dignum existimat, ad quem unum, véluti ad quoddam centrum, omne stúdi- um conferátur, sed étiam affirmáre non verétur, se esse cuiúsvi rei princípium atque ratió- nem. Totus homo phænoménicus, suis innúmeris ánimi hábitibus indútus, quibus in conspéctum venit, se Concílii Pátribus obiécit, qui et ipsi hómines, immo omnes Pastóres atque fratres sunt, inténta cura atque amánti caritáte præditi: homo, qui suas luctuósas fortúnas animóse conquéritur; homo, qui et prætérito et nostro hoc témpore álios infra se pósitos existimat, ideóque semper fluxus atque fucátus, sui cúpidus et ferox est; homo sibi dísplicens, qui risus edit et lácrimas fundit; homo ad ómnia versátilis, ad quáslibet partes agéndas fácilis; homo in unam sciéntiæ pervestigatió- nem ácrité inténtus; homo, qui uti talis cógitat, amat, in labóribus desúdat, semper ad áliquid ánim- um advértit; homo, qui sacra quadam cum religióne est considerándus, ob suæ infántiæ innocé- tiam, ob suæ inópiæ arcán- um, ob pietátem, quam suæ ægritú- dines movent; homo hinc sui ipsíus tantum studiósus, hinc societáti favens; homo simul *laudátor témporis acti*, simul pósterum tempus præstólans, illú- que felícitus quam prætéritum só- mnians; homo ex áltera parte crimínibus obnóxius, ex áltera sanctis móribus ornátus; et deínde deinceps. Humanitátis illud láicum atque profán- um stúdi- um, immáni qua est magnitú- dine, tandem aliquándo pródiit, idémque ad certámen, ut ita dicámus, Concílium laccessívit. Relígio, id est cultus Dei, qui homo fíeri vóluit, atque relígio – talis enim est æstimánda – id est cultus hóminis, qui fíeri vult Deus, inter se congréssæ sunt. Quid tamen áccidit? Certámen, proélium, anáthema? Id sane habéri potúerat, sed plane non áccidit. Vetus illa de bono Samaritáno narráti- o exéplum fuit atque norma, ad quam Concílii nostri spirituális ráti- o dirécta est. Etenim, imménsus quidam erga hómines amor Concílium pénitus pervásit. Perspéctæ et íterum considerátæ hóminum necessitátes, quæ eo molestióres fiunt, quo magis huius terræ fílius crescit, totum nostræ huius Sýnodi stúdi- um detinuérunt. Hanc saltem laudem Concílio tribúite, vos, nostra hac ætáte cultóres huma- nitátis, qui veritátes rerum natúram transcendé- tes renúitis, iidémque novum nostrum humanitátis stúdi- um agnóscite: nam nos étiam, immo nos præ céteris, hóminis sumus cultóres.

Quæ cum ita sint, faténdum revéra est, cathólicam religió- nem et humánam vitam inter se amíco foédere iungi, et utrámque simul conspiráre ad unum quoddam humán- um bonum: religió- nem scílicet cathólicam pro humáno género esse, humaníque géneris esse quodámmo- do vitam. Vita quidem dicénda est ob doctrínam excélsam eámque omni ex parte perféctam, quam ipsa de hómine tradit (nonne homo, sibi relíctus, sibimetípsi arcána res est?); quam sane doctrínam idcírco tradit, quia illam e sciéntia, quam de Deo habet,

haurit. Etenim ut nos hóminem, hóminem verum, hóminem íntegrum pénitus noscámus, Deum ipsum ántea cognoscámus necesse est.

Quodsi omnes, qui hic præsentés adéstis, memínimus in vultu cuiúsvís hóminis, máxime si lácrimis ac dolóribus efféctus est translúcidus, agnoscéndum esse vultum Christi, Fílii hóminis; ac si in vultu Christi agnoscéndus est vultus Patris cæléstis, secúndum illud: *Qui videt me, videt et Patrem*, modus noster res humánas æstimánda mutátur in Christianísmum, qui in Deum ut in médium totus dirígitur; ita ut rem hoc étiam modo enuntiáre possímus: scílicet opus esse cognóscere hóminem, ut cognoscátur Deus.

RESPONSORIUM

Cf. Phil 4, 8

R/. Quæcúmque sunt vera, pudíca, iusta, casta, amabília, bonæ famæ, * hæc cogitáte (T.P. allelúia).

V/. Si qua virtus et si qua laus, * hæc cogitáte (T.P. allelúia).

Oratio

Deus, qui Ecclésiám tuam regéndam beáto Paulo papæ commisísti, strénuo Fílii tui Evangélli apóstolo, præsta, quæsumus, ut, ab eius institútis illumináti, ad civílem amóris cultum in mundum dilatándum tibi collaboráre valeámus. Per Dóminum.

IN MARTYROLOGIUM ROMANUM, *die 29 maii, primo loco:*

Sancti Pauli papæ Sexti, qui, hac die presbyterátu auctus est, dein Archiepíscopus Mediolanénsis, tandem Sedi Románæ eléctus, Concílium Œcuménicum Vaticanum Secúndum diligénter ac felíciter pértulit, renovationémque vitæ Ecclésiæ, sacræ præsertim Liturgiæ, promovit, œcuménicum diálogum atque Evangélli núntium homínibus huius ætátis curávit, donec die sexto augústi 1978 in pace Dómini obdormívit.